

KOMMISJONSAVGJERD

2016/EØS/65/42

av 13. januar 2011

om endring av vedtak 97/556/EF om framgangsmåten for samsvarsattestering av byggjevarer i medhald av artikkel 20 nr. 2 i rådsdirektiv 89/106/EØF, med omsyn til samansette system/modular for utvendig varmeisolasjon med puss*[meld under nummeret K(2011) 34]*

(2011/14/EU)(*)

EUROPAKOMMISJONEN HAR —

med tilvising til traktaten om verkemåten til Den europeiske unionen,

med tilvising til rådsdirektiv 89/106/EØF av 21. desember 1988 om tilnærming av medlemsstatenes lover og forskrifter om byggevarer⁽¹⁾, særleg artikkel 13 nr. 4,

etter samråd med Det faste byggeutvalet og

ut frå desse synsmåtene:

- 1) Kommisjonsvedtak 97/556/EF av 14. juli 1997 om framgangsmåten for samsvarsattestering av byggjevarer i medhald av artikkel 20 nr. 2 i rådsdirektiv 89/106/EØF, med omsyn til samansette system/modular for utvendig varmeisolasjon med puss⁽²⁾ viser berre til varer som er underlagde europeisk teknisk godkjenning, medan somme av desse varene òg kan omfattast av harmoniserte europeiske standardar.
- 2) Vedtak 97/556/EF bør difor endrast slik at det òg gjeld for varer som er omfatta av dei harmoniserte europeiske standardane som CEN utarbeider —

TEKE DENNE AVGJERDA:

Artikkel 1

I vedtak 97/556/EF vert det gjort følgjande endringar:

1. Artikkel 2 skal lyde:

«Artikkel 2

Framgangsmåten for samsvarsattestering i medhald av vedlegg II skal gå fram av mandata for retningslinjene for europeiske tekniske godkjenningar. Framgangsmåten for samsvarsattestering i medhald av vedlegg III skal gå fram av mandata for harmoniserte europeiske standardar.»

2. Eit nytt vedlegg III vert lagt til slik det er fastsett i vedlegget til denne avgjerda.

Artikkel 2

Denne avgjerda er retta til medlemsstatane.

Utfërda i Brussel, 13. januar 2011.

For Kommisjonen

Antonio TAJANI

Visepresident

(*) Denne unionsrettsakten, kunngjort i EUT L 10 av 14.1.2011, s. 5, er omhandlet i EØS-komiteens beslutning nr. 98/2015 av 30. april 2015 om endring av EØS-avtalens vedlegg II (Tekniske forskrifter, standarder, prøving og sertifisering), se EØS-tillegget til *Den europeiske unions tidende* nr. 42 av 4.8.2016, s. 37.

⁽¹⁾ TEF L 40 av 11.2.1989, s. 12.

⁽²⁾ TEF L 229 av 20.8.1997, s. 14.

VEDLEGG

«VEDLEGG III

VAREGRUPPE

SAMANSETTE SYSTEM/MODULAR FOR UTVENDIG VARMEISOLASJON MED PUSS (1/1)**System for samsvarsattesting**

For varene nedanfor og den tiltenkte bruken av dei vert CEN oppmoda om å spesifisere følgjande system for samsvarsattesting i dei aktuelle harmoniserte europeiske standardane:

Vare(r)	Tiltenkt bruk	Nivå eller klassar (<i>brannmotstand</i>)	System for samsvarsattesting
Samansette system/modular for utvendig varmeisolasjon med puss (ETICS)	På yttervegger	Alle	1

System 1: Sjå direktiv 89/106/EØF vedlegg III nr. 2 i), utan stikkprøvekontroll.

Spesifikasjonane for systemet bør vere slik at det òg kan nyttast når det for ein viss eigenskap ikkje er naudsynt å fastsetje ytinga til ei vare fordi det i minst éin medlemsstat ikkje finst lovfesta krav til den aktuelle eigenskapen (*sjå artikkel 2 nr. 1 i direktiv 89/106/EØF og eventuelt nr. 1.2.3 i basisdokumenta*). I slike tilfelle kan produsentane ikkje påleggjast å kontrollere eigenskapen dersom dei ikkje ønskjer å opplyse om kva yting vara har på dette området.»